

續

修

四

庫

全

書

《續修四庫全書》編纂委員會編

續修四庫全書

上海古籍出版社

一七〇〇・集部・詩文評類

耄餘詩話十卷〔清〕周 春撰……………一

雪夜詩談三卷附明人詩話補一卷國朝詩話補一卷〔清〕彭端淑撰……………六一

柳亭詩話三十卷〔清〕宋長白撰……………一〇五

杜詩言志十六卷〔清〕佚 名撰……………四一一

耄餘詩話自序

余有黃髮集。繫徐蘋村先生之名也。先生八十後所作詩。文名曰耄餘殘。潘余精力衰頹。草詩話以遣日。憶往事。追舊聞。所重師資。而於貧交死友。尤致意焉。獻歲迄今。積成十卷。過此以往。未之或知。假我數年。安敢萌倉望乎。嘉慶十四年歲在屠維大荒。陽月朔日。內樂村史周春書時年八十有一。

自序

耄餘詩話卷之一

太夫子天台齊忌園宗伯掌教萬松書院。余常得晉見。公自述墜馬顛。破腦流。後蒙古大夫治療之法。甚奇。而詳世傳所讀之書。不復記憶。此言過也。但精神頓衰。不能如舊耳。公為余序中文孝經。爾雅補注。二書載文集。公筆墨。酬應繁。嬾於構思。喜集古人詩文成語。嘗集蘇頌余著書齋圖云。君方傍海看初日。無數雲山供點筆。清夢時時到玉堂。只恐先移北山檄。腹有詩書氣自華。一篇珠玉足生涯。給札看君賦雲夢。他年應作畫圖誇。畫工欲畫無窮意。笑人空腹談經義。若人如馬亦如班。故作明窓書小字。萬卷

卷之一

堆胸兀相撐。火急著書千古事。著書要自見窮愁。一庵閒地且相留。青雲豈易量他日。潮連滄海欲東遊。賴有萬樓能聚遠。城堅不怕秋濤捲。應教斥鹵變桑田。斷嶺不遮西望眼。樓前便作海茫茫。富貴在天那得忙。引盃看劍坐生光。風吹海濤低復起。鯢鵬水擊三千里。印可耶須答如是。松雷家居無事。變經注水旁。及百家著述甚富。先刻六種行世。今繪著書齋圖索題。余病無以應。偶集蘇公句為歌。以博一粲云。乾隆戊寅仲夏。天台息園居士。

寶綸堂文鈔八卷。門人無錫秦凌蒼藏。所刊余題詩云。瓊臺鍾秀重名賢。滿篋遺文蠹字穿。賴有河汾能入室。表章

欣見東梨錫。集為觀泰公選松嶺卷嚴負爰從鄉音隔定并撰序文墓表海每相通。名郡土語與菲材幸附青雲末廖氏名標歐集。中宋伯序拙著西公當預脩經史考證通鑑綱目三編續文獻通考

大清一統志諸書所著水道投綱三十卷浦江戴殿海所刊戴權我州學正時早以見贈其餘著述甚多尚藏於家未能悉梓。丁丑歌賦公命改稱門人

宗伯具異稟目炯炯能矚一二十里許嘗登杭州之鳳凰山視隔江西興渡口歷歷可辨又嘗於山頂指雲起處得奇石皆似古篆擗名曰天然圖章銘之曰郁郁紛紛今文

卷之一

二

古文我安能辨。隨意所云。如切如琢。若耕若耘。不雕不飾。有骨有筋。似畫似畫。非烟非雲。魚鳥獸呼。類引群山川草木。映日初昕。具有奇字。靈簡典墳。其有異款。鐘鼎及殷不隸三倉。焉識八分。不類史籀。焉問右軍。符象自天。請占靈氣。岳形有真。請詢葛君。石紋作印。自昔未聞。鳳凰山麓金牛水濱。童子拾得。我為欣欣。縱橫綺合。疑似絲棼。惟忠惟孝。辨當斷斷。豈義能畫。豈秦能焚。結繩以前。體亦無根。染朱成譜。元氣氤氳。象形會意。滿目錦雯。摩挲几上。聊樂我員。匪我克勤。化工之勲。

乾隆丁卯二月余年十九同先兄玉井先生受業於長洲

沈歸愚宗伯夫子之門。公旅患噎致仕余兄弟每歲必數次至吳携詩文就正過木瀆之舊第并教忠之新堂捧袂振衣二十年如一日也已已庚午間公大為延譽令門下士締交故余與禮堂辛捐識面最早在甲戌同榜之前余鄉會房師竝公戊辰所取士公不令稱小門生已邠集明賢句書聯贈先君子云禹糧克韭庭前藹孔恩周情案上書庚辰寄題余著書齋云虞卿著書緣窮愁斯言感憤實謬悠著書闡明天大理豈因牢落方勤搜君家結廬瀕滄海眼界胸襟足題壘大廷對策旋歸來穿穴書林仍不改枕經昨史同飲食中正和平渺奇僻更讀人間未見書內

卷之一

三

外逸書竝紬繹。一心直欲窮千秋。醞釀吸漁供璧畫。高齋竟日夜無聲。仰向屋梁神豹豹。經術經世尊所聞。他時出政康編民。不為法吏為循吏。直讀書人能活人。載詩鈔餘集卷四丙戌正月先兄計偕北上余赴選隨行復同晉謁公時年九十有四以後不復相見矣

辛未七月余南歸臥病壬申五月始能強起於床癸酉正月至吳公出辛未小除夜

御製詩序手卷命觀背誦如流至遠陶鑄乎李杜近伯仲乎高王及歸愚更於近代詩家視青邱漁洋殆有過之無不及者故樂為之序數句歡欣舞蹈作曠世金石聲蓋臣

下私集蒙

恩賜序實古今所未有宜公之感激至斯也黃崑圃先生祝八秩詩云

聖序新頒寵孰齊。翻憐申伏祇卑棲。文章學海窮顛際。鶴性松身重品題。錫命三章同潞國。著書千古埒昌黎。從茲上壽稱平格。歲歲天書下紫泥。

宗伯晚年榮遇亘古所無吳中播為美談海內諺為盛事待人和藹一出於誠見後輩詩文或有難字及用典微僻必詳問出處然後細加品評與董浦草廬兩先生氣象迥別也余論詩絕句云振衣請業憶平生。說項徒慙徒復迎。

卷之一

杭。叟。真。狂。叟。猶。鱗。門。一。老。是。中。行。

錢文端太夫子庚午初見於京邸已丑再見於禾城書來有云去歲孫女許字令兄次息廿年通家友誼重以婚姻矣紙尾絕句云爆竹聲中景物殊。老人最後飲屠蘇。遙知獻歲多如意。為寄竹根如意圖。公位望尊崇而風致蕭灑如此信乎壽登文潞國而詩壓陸劍南也

新建裴文達公庚午座主也余受知最深感恩最摯有筆墨所不能罄者甲戌榜下同蘭泉歸班公大為搢擊丁丑南巡獻賦蘭泉得中書而余以韻誤田字為由不錄閱卷蔣文恪公秦文恭公皆深惋惜公時扈

駕不至杭州貽書寄慰迨丙戌並仕粵西得以徑行已意稱為廉吏修梧郡志方能勉治歸裝皆公賜也士辰公卒後檢篋中得公遺墨感賦云自我與師別歲陽忽七更客到傳遠訃夢裏魂頻驚俄聞此言信懷疑尚屏營篋中見遺墨公感粵西遺遠手札令不覺淚從橫且憶臨行訓公別訓諭評等且云贈子無他語悲感良交并人生非木石努力加餐飯慎保千金軀而已

聖主侍從登公卿三十餘年來四海仰者英文章與政事已垂千秋名不朽復何憾死哀由生榮所痛泰山頽心喪遍門生吟望空嗚咽聊以抒寸情

卷之一

五

余在文達公門下凡江右名士如彭參知雲相蔣太史心餘盧宮詹端臣輩皆識之尤與超然世兄麟契厚故知公家事最悉嘗見索子才及集中有公墓誌銘乃其所自作戴東原震集中亦有公墓誌銘注云代未知代何人作索但言政績戴止叙官階其於內行之淳備才學之淵源竝未能詳殊嫌疎畧也公字叔度號諾率一號漫士給諫公幼子行五早歲而孤事生母王太夫人純孝時諸兄嫡出各分門戶太夫人茹荼集蓼撫育成立公穎異絕世早負盛名年未弱冠連舉優行宏詞兩科江右咸重太夫人之母教焉公既貴友愛諸兄不以前事介意兄姪亦皆感動

雍睦無間言太夫人顏而樂之以為克承先志也太夫人
稟性畏熱冬月不用熏鑪見北方煤炕輒頭目暈故每
遇天寒凡衣被等物公與熊夫人以手熨暖以進日以為
常其孝養大率如此公博覽群書下筆千言立就文疎古
條暢參秦漢韓歐詩典麗高秀魚少陵蘇黃荆蓼醇雅簡
勁具陳文章羅之長書法豐腴潤出入東坡南宮間嘗
奉

旨續張即之所書經幾無以辨也公不欲以文人自命留
心經濟之學於一切典章制度田賦水利兵防刑律之類
莫不瞭如指掌實可見諸施行然平生內任之日多猶未

卷之一

六

竟其大用矣公卒後相傳為燕子磯江神禱者輒應顏晴
沙先旭詩云爐香燭影曉猶紅稽首陳情語未終試看靈
旂微颺處春江已借一帆風然余謂公之神在天下者如
水之在地中無所往而不在何得定指為江神也

乾隆丙戌至都座主武進錢文敏公方奉

勢難抵室不處
號錫庵文集
軒武進人乾隆
以母喪乞即侍
即永慕堂
沉痛得於
重却遠康縣
庚子生乾隆
壬辰卒年五
十三福文敏
兩部而殷通真上聲於迎韻中分出拯韻亦為三十部入
聲併為十五部後書未成而公卒其說亦不果行公自言
庚子生乾隆承太夫人家學甫三歲即能變四聲通切韻由夙悟天然
也又言軟紅塵土中除子外無一人可譚此市者與子劇

譚心地為之問與辛指亦通翰林但知推廣顏亭林之說
益加博引繁稱不溯其源而沿其流彌令人懊悶耳公一
日銍後以宣德箋畫山水小幀題詩云夏山滴翠影微茫
窓外疎桐百尺長箇是幽人讀書處更無煩暑只風涼畫
畢投余笑曰我畫不易得聊酬子譚韻之勞公一門並姻
風雅頌板詠繁舉世艷稱爾時所見頗多惜不能記矣
座主介野園夫子家世戚晚幼擅才名早入詞垣海登卿
貳前後衡文十次最稱得人乾隆壬午三月扈
蹕來杭州館響水閣召余夜話有相見上京之約公是夏
卒於途丙戌入都拜見師母施太夫人靖海侯襄壯公孫

卷之一

六

女公伯子任佐領仲叔讀書家塾余有因到師門增感舊
郎君相對痛如何之句師母出公遺集欲余校錄惜匆匆
南歸至今念及未嘗不自愧荒莊也近讀

熙朝雅頌集敬題云回憶南來面命諄酒闌惜別聖湖濱
驚心五月臺莊訃此日吟詩倍愴神介野園夫子壬午隨
駕回鑾卒於臺

莊照眼琳琅妙絕倫清辭麗句一時新自憐閉戶知交少
馬回鑾卒於臺

識面無過十數人集中編文端太夫子何文勤太夫子留
於鄂筠亭先生外此李鶴青徵君晚幸蒲別駕時受知
觀察泰復山太守及阿而齊子燕庭富竹亭同年而已

乾隆丙戌余往粵西桐城張樊川夫子書出宰山水縣讀
書松桂林對聯為贈又賦七律二首僅記天與清風先入

座人如滿月恰當樓一聯戊子余歸家常通音問辛卯為
余序夫不集庚子以大司成致仕丙午壽八十又二年而
卒矣邠余有寄懷詩四首錄其二云絳帳睽離十八年童
顏白髮羨神仙書來言及小世却思槐市談經樂何似歸
耕下潁田龍眠浮渡兩名山都入耆英杖屨間屈指三年
開九爽此心早逐奉觴班

乾隆癸酉四月余謁安邑宋半塘夫子於郵署食奉化江
珉柱觀范氏天一閣藏書有詩紀之時野栢太夫子迎養
署中太夫子以少鴻臚致仕家居講明理學晚年撰憶往
編卽年譜也是年云癸酉五十九歲海寧周春來問學

卷之一

余

宋蘇詩云
邑人乾隆四年
明太守蘇公
撰此山水金秀
協調

臨別五夫子戊寅還南雄郡倖癸未告養已亥年五十有
六而卒夫子精說文之學所著書未刊行已刊者尚書考
證四卷蓋不信古文尚書者也世兄蘇淳字帥初號芝山
以孝廉官廣文壯歲棄官遊近庚子主余家者半月為余
作畫甚多嗣後足迹過東南悅携妻僑寓刊上不復歸晉
湖海間莫不知有宋芝山也

先兄壬辰試禮闈房考長沙雲房劉公呈薦已定擬元為
總裁所抑公惋惜備至先兄歿後兩亡姪彥國彥曾復荷
深恩嘉慶丁巳公以少宗伯視學江蘇為余序杜詩雙瑩
韻譜余以詩寄謝云南嶽清淑鍾瀟湘為洙泗大賢間代

出。宴寓瞻國器。家學青藜光。通經石渠議。丹鳳翔卿雲。十
名高中秘。寅清作秩宗。書劄徵故事。江左重衡文。群頒呈
華使。冰壺貯皎潔。玉尺量溫粹。壽沙一星明。奎躔同呈瑞。
佇見卜金甌。峻秩三台位。漢傳繼彭城。唐表增十二。準夔
勲業崇。蒼生盡沾賜。猶憶執徐年。伯氏禮闈試。感荷昉昧
恩。吹填餘涕淚。夙昔仰韓門。常懷負笈志。神馳君山巔。堂
開浮遠翠。臨風祝瓣香。敢道平生意。公位望彌尊。而令原
銜感之私媿。未報也。

卷之一

九

耄餘詩話卷之二

乾隆己巳邑侯劉公守成季試詩題七月桂余有滿林黃雪飄殘暑半枕濃香試早秋之句杭堇浦先生見而賞之相知由此始也時先生總修海塘通志寓水仙閣下余得不時就正嗣後庚午迄乙酉十六年之詩皆先生所點定也先生遊嶺南以集見寄余題絕句三首云通儒餘事驚詩才尺幅從教萬卷該想見羅浮獎聲吟窓暢舞為公來詩法須參最上乘南園舊社見重興荔枝三百同桃李坡老當年得未曾作披微紆快風涼聽蟬聲到夕陽賴此臥遊詩卷裏燒殘一瓣海南香先生遊廣陵余以詩寄

卷之二

懷云先生半載揚州住旗亭唱過驚人句芍藥之譜瓊花賦陳根淨掃天葩露青蓮玉句來何暮滾滾錢刀不吟顏黃金却把諸生鑄去時霄雪尚四布銀潢案戶今如注高齋絕少纖塵污撲緣不到清風度閑拂桃笙承戰屨暮盍欲啓浮香炷遙知消夏多佳趣十齋文中仙福具底須跨鶴凌烟霧家山一抹晴霞護望遠愁隔江心樹準擬紅船挂颿渡重尋醉翁栽柳處坐對飛雲來北固勝遊倘許陪杖屨強飲肯教竟入務世間萬事總儕寓明月珠簾吾無慕惟餘結習耽墳素蒼蠅驥尾常相附流俗那知得其故先生極稱此詩手錄入投贈詩文中戊子自粵西歸後每

至會城必進許衙之巷登道古之堂觀棟架之書聆驚庭之論時先生正編次詩文集及刻續方言等七種越六年而先生歸道山矣嘉慶戊午先生哲嗣茂才寅仁刻詞科掌錄餘話告竣屬余校讐并索作序余逕謝未遑而茂才亦旋即下世俯仰五十年間曷勝悵恍堇浦先生拙於書然饒有古意嘗云爾輩書學鍾王不過魏晉我書乃三代秦漢也余每得先生手書輒裝潢藏棄之先生胸襟灑落光明議論高曠透快遇才士貧乏者必禮遇有加若子雲所謂蛟蛇則若斤不留餘地矣先生之弟孝廉世馨字奕文品亦拔俗素簡齋枚輓先生詩云橫衡

卷之二

一世談天口生就千秋數典才萬卷堆中碁局響三貂座上緼袍來誦此四句恍然如見先生矣

庚午余計偕入都寓米市街研諸草廬先生寓撫臨會館朝夕過從甚密譚藝每至夜分次年余下第歸先生題余讀書圖云周郎失意欲南還心逐青松翠靄間擬借一帆圖畫裏來尋硤石讀書山甲戌余不得入詞館先生疊前韻送之曰得意仍同失意還歸心先上白雲間草堂他日添惇史免使移文到北山先生尋以官贊乞休歸丙子為先君子序周氏本支譜余同先兄謝之晨權小舟至莫家灣謝畢辭出先生極力挽留令聳范君成遣僕入市買木

城點心佳品四種。侑以閩省門生所送蜜漬糖色備承款洽之情。前輩風流不可及也。

年文陳星齋先生自言詩不如太鴻文不如大宗惟書法或過之。蓋杭屬竝拙於書也。先生嫺余時文薄弱而極賞其詩。嘗問外家周氏自海寧遷杭。遷祖簡庵公子知之否。余答簡庵公為十世族祖。配朱恭人。靜庵詩集載明史藝文志。長支遷杭次支遷江寧家譜可考。先生曰我簡庵公九世孫。則子為王褒。我為蕭子雲矣。命同年泰字玉藻受業。王敦兼講中表之誼。又年文胡稚威先生人皆嫺其簡傲。余慕盛名。因同年功甫元珠求見。時為陽城田少宰。

卷之二

三

思評點杜韓蘇三家詩集。先生除鑿鑿一摺外。仍據案丹黃口述。為少宰許點之畧。余隅坐唯諾。止言韓蘇貶謫之詩。可以多讀。先生稍首肯。功甫即引余辭出其嚴重如此。時方待試。經學宜忌者眾。而報罷也。先生詩如女字三行。尤膾炙人口云。

庚午寓米市棚街。與許南臺雅教孫端人人龍章谷谷有大許霍齋道基王梅許謙陳雪崖鈞汪厚石孟許右榭寧基九人為消寒會。每集分韻賦詩。元宵即浮圓子也。余有當日一盂曾下筯。偶然兩字應佳辰之句。群推擅場。梅泚為之閣筆。寓與董文恪公寓僅隔一牆。暇輒與其西席。

董和道字守存
吳東山字陽人
雅正公字進士
入詞林官札部
尚書水法元
人參之書巨乾
隆己丑年
重刊字守京
蘇林邦道字乾
隆癸未傳德入
詞林官至太學
主水承家學
嘉慶時年其父
自外德文恭

閱君携橙從牆頭語。公清節高風。雖貴為八座。而不用肩輿。仍坐轎車。京華莫不欽仰。余頗得晉謁。公亦常來寓中。余每以佳箋乞畫。公有時以篆書應之。十二月中旬。忽聞牆外爆竹聲。知兩公子上學。祀梓潼神。未幾邵太夫人遣僕請余及右榭。蓋余因年二十二。右榭年二十。同舉於鄉。頗有幼慧之名。令其抱兩公子坐椅上。余所抱長公子。即今相國蔗林先生也。相國時年十有一歲矣。迄今六十年。追憶恍如昨日。

卷之二

四

次王文恭癸卯會後同年七言絕句五首韻索和。一時和者甚眾。余有後庚携手香山老。我亦科名前輩人之句。先生命長公雲門登賢於新孝廉。修子姪之敬。時雲門已官侍御。且丙辰科分又深。但稱侍生而已。許右榭表弟和詩有却愁御史青廳馬。過向長安避紫駟之句。雲門見詩。殊不能平。蔡芳三寅斗為和解之。先生曾撫浙江。因我邑陳僕互毆杖斃店戶事罷官。時又以宮詹草任。次年祝萬壽。復侍郎銜。越二年卒。

乾隆戊戌盧母張太恭人八十徵詩。余以七古二十韻為壽。抱經學士文昭母也。自後踪跡頗疎。主子學士重赴洋。

宮以詩索和旋介門人錢馥爲余校經典釋文適以事不果癸丑余思得殿版考證一觀錢生曰抱經先生所有即行轉借學士手校是書朱筆蠅頭小楷點畫悉依說文每卷尾詳記日月余嘆服其讀書精細用力如此之勤自媿勿如不覺心折先是余不校經典釋文學士別託某校某無知妄作余致書詳論之學士悵不得余校余亦悔不爲之校也是年嘉平月學士序余杜詩雙聲疊韻譜甲寅正月余寄詩云我聞古名儒年齡天所佑漢有伏生韓因生與杜子春同高壽此皆典籍資英華乃知服食之說何其謬東南一老范陽公四部七錄羅心胸湖光山色霑化

卷之二

五

雨掌教院雙鑠群誇綠髮翁先生寓杭家餘姚著書壽世壽益高即今者英會首七十九尚友黃綺攀松喬風昔山斗常仰止汗流走僊籍使常買棹具一瓶生借書年年立雪從此始次舞學士壽八十卒於常州同年王西莊光祿同受業文憲公門下故深相契合爲余序爾雅補注書止四卷余因其言增訂爲三十卷改名廣疏嘗以閉戶著書圖索題余題詩云東瀨滄海岡崢嶸靈秀昔鍾四先生練川二老今齊名謂西莊光祿與行宮詹儒林文苑皆合并清卿移居亞字城閉戶著書歲月更七堰八門六十坊中推耆英君不開濟南伏口授尚書讀又不聞緩氏

杜周官精訓詁通經往往登上壽況魚諸史言九富包羅子集無挂漏壓倒元美追伯厚一卷應須添一年數百卷直同彭錢披圖福地開琅嬛雙松礪研藤花懸搖鱗角管唐丹鉛共美方瞳綠髮蓬萊仙我亦覆瓿滿家空自憐安得如公一時紙貴千秋傳壬子光祿年七十余以天台萬年藤杖賦詩二首爲壽有萬卷讀書陶勝力千峯講學憑甘泉之句光祿書來云陶勝力是陶宏景否繫於繡閣尚未考也余答書云詩句不工只是祝八十九耳余有著書齋圖前輩及名人題詠甚多乾隆癸丑書室被偷同唐甄失去時墨荔瓊瑯吳某縱盜橫行也西莊光祿

卷之二

六

詩後寄未經裝入獨存詩云一角獵地此卜居水雲三面繞精廬松濤竹籟交深幌不爲窮愁自著書愛錢愛馬並成貪傳癖書淫性獨耽世味總輸黃妳美先生此段孰分甘經史研覃疊刺藤詩歌餘技亦峻嶒儒林文苑多途久今日魚長健者能寂寂雙扉中有人丹黃脫手幾番新戰醪祛惑尋常事俗客何從一問津曲江燕罷放歸船零雨飛蓬四十年差喜退閑成二老披圖瘦骨故飄然丹砂訪得念荷衣桂海歸來硯不肥副在名山供眼飽何妨仰坐忍調饑公但怡情自寫陶都頗誇許出同袍每於廣坐逢入說著迷無如我榜蒿自笑顧唐曾老公今年稍幸復清

腫待看四部編成後。理相尋。橫浦東光祿三載失明。是夏巖電如舊。有詩志喜。故第八首云。

同年錢官詹竹汀先生先兄乙酉座主長余一歲。以師友之間事之。先生七十。余以詩祝壽。第四首云。眾仙猶記詠霓裳。又列璵璠弟子行者是也。先生初惑於小阮獻之。玷縱送之說。以同出聲同收聲者為雙般。又謂疊韻在四聲之前。雙般在字母之前。與余論。竝不合。庚戌二月。余余恙。雲與論。半年後。寄還手題嘉定錢某借讀一過。且致書云。今方知韻學不易。先生從此潛心細參。字母觀所著義新恒言兩錄。已什得其八九。但尚未能透頂悟徹。正欲與先生

卷之二

七

生暢論之。而癸亥冬。訃至矣。先是嘉慶丁巳冬。開西莊訃作詩云。齊年知我莫如公。四十餘年轉瞬中。揮毫諱經疑立異。余信古發函論史本從同。十七史商榷等身共有千秋業。文尚書閱世曾無百歲翁。燈火青瑩宵耿耿。那堪老淚濕西風。及聞先生訃。復作詩云。三秋聞說病侵尋。山耗俄來自武林。千古足傳名已大。一年已長痛尤深。何時徐穉重磨鏡。此日俞牙已弛琴。太息西莊厄辰已。又遲七載到於今。痛老成之凋謝。憐同調之無多。既悼二公。亦行自悼也。余與蘭泉少冠同年。久不通問。近聞在省作札寄之。少冠以詩箋見贈云。宦海抽身早。家山樂事便。追思年少日。同

上大羅天。白社尊人瑞。丹砂養地仙。別來蒙記憶。珍重惠長牋。聞說鳴琴地。猶良見古風。懸轡聞吏卒。膠漆走兒童。彭澤歸真早。桐鄉澤未窮。清和今始屆。杖屨夕陽中。余答詩云。遠將方曲寄。入手竹花涼。無去詩篇好。吟來意味長。故人情覺重。衰老感難忘。差喜七旬外。同年體各強。勲業凌烟上。歸田羨景疏。卅年分出處。三立敢相如。寂寞聊聞奏。窮愁只著書。神馳松嶺畔。自笑媿莊樵。蘭泉選湖海詩。傳成於嘉慶癸亥內甲戌同年二十二人存者三人。迨乙丑刻竣。則晚嵐參政竹汀少詹竝下世。惟僕一人在矣。展閱之餘。慨然有作云。二十三科前進士。詩中二十二人俱

卷之二

八

白頭龍種留殘史。絳闕宮車失大巫。豪氣未除天下健。微名猶戀域中愚。長吟嘆逝情何限。辜負丹青妙覺圖。甲戌同年朱竹君號美叔。具先浙之蕭山人。年丈雖正。間官盤屋。今後古籍大興。竹君弟石君號南厓。先於戊辰入詞館。升侍講矣。一時才名籍甚。都人士莫不稱朱五先生。朱六先生。兩有行四名。垣字仲君。嘉興同年賀牧堂。其聲與二君同。受業於朱。鉅堂。乾之門。還往最密。余亦時相過。從是年出都時。竹君賦七律二首。送牧堂及余。行猶記離聲四鳥。忽分完之句。石君體羸善病。竹君友愛甚篤。每客至。戒勿令知。恐其劇譚過勞。昇歟復作也。竹君年僅五十。

而卒石君散踐中外再入翰林丁未視學浙江觀風以擬江式求撰集古來文字表錢越王鐵券歌東海氣如圓窗賦命題亡兒壽親字雲孫號澹泉首取受知次年游泮賦尤典奧文場傳誦之已酉任滿來寧閩塘余謁謝於陳園行館見其魁梧豐碩非復舊時清臞矣

庚午同年趙甌北喜余雙聲疊韻之說見余杜詩雙聲疊韻譜括略題五古一首手錄稿以寄即續刻詩鈔余以詩謝云憶昔識君初師門同侍坐新建表迨後官粵西邂逅停輕舸君之慶別逾三十載年光敲石火昨得和甫書述餘論曾及我雙聲疊韻難題詩許我可此事成絕學自

卷之二

九

信精亦頗誰將玉鑰匙開却青銅鎖短章還寄君遙答雲五朵妙義竟何如無味醍醐果祝趾堂德麟亦篤信余說所著悅親樓詩集屬余詳核悉改定焉

甲戌榜下挑選余與紀曉嵐王蘭泉二公竝不預晚嵐因史文靖力薦補挑曉嵐語最詼諧自謂不祧之祖記憶猶如昨也嘉慶甲子正月晚嵐以大宗伯拜參知不一月而卒聞之得詩三首云丹墀鵠立待挑時共聽詠諧共解頤五十二年如夢裏果然身到鳳凰池雲泥路隔敢同論回首平生敝帚存我有三書音學公四部難忘如是武門姑安言藝文他日各分門雁塔朱書事偶然優游林下羨蘭

泉。晚嵐蘭泉竝年八十有二但祈我得二公壽戢影柴門尚五年四庫全書采近時人著述甚少通計不過十餘人而余甲戌同榜得三人焉顧古湫鎮姜白巖卿章范蘅洲家相皆晚嵐先生力也尤可異者三人二甲聯名姜第十顧十一范十二其書著錄亦相聯顧有虞東學詩十二卷姜有詩序補義二十四卷范有詩譜二十卷同時仰屋著書不知凡幾而三人得列金匱石室之藏豈非幸乎就中蘅洲為最幸古湫白巖竝前輩樸學當之無愧色也西莊詩云每於廣坐逢人說著述無如我榜高信然

卷之二

十

方伯謝蕪潭先生以所著西魏書六冊樹經堂詠史詩二

冊寄贈索觀余舊著遼詩話題絕句二十四首補詠史之闕刻遂齋軒集中先生在浙每有新刻必行寄贈廣經義考采及拙著後擢撫粵西余以詩送行有云此是庚桑尸祝地望公拂拭到羅池謂余曾宰岑溪有三賢祠制府孫補山士毅題額邑令高密李少鶴憲喬換記三賢者劉公信嘉于公烜及余也二公初無祠主寄傳忠烈祠內余奉諱歸里不受賻儀士民因構屋三楹於常寧墟為專祠後于公令嗣為視學粵西別創建於上化鄉規模宏敞像設莊嚴共費五千金此乾隆甲辰年事索蘭齋之歿也蘇潭方伯聞之作采散仙詩幕中輒未能

解鈔以寄余。因亦作一首云。輕薄文章論最公。才名却擅出群雄。孤高敢望林和靖。快活真如李笠翁。晚歲門徒中。惆。盛。平。生。口。腹。食。單。豐。自。憐。曾。被。山。膏。當。佳。句。長。吟。思。不。窮。簡齋續詩話。曾詆拙著杜詩雙聲疊韻譜。故有第七句云。方伯見之曰。松靄解也。

方伯云。余江右人。而不言地理。今官于杭。而知風水之說。亦復有之。好刻書之鮑以文廷博。迺胡文煥之後身也。工詩文之袁子才。及真李漁之嫡派也。名論不刊。洵為兩人之知己矣。

介休梁確軒祭酒錫與嗜讀易日玩一卦周而復始如是

卷之二

十一

者三十年乾隆辛未保舉經學授國子司業。所著易經揆一派翰林中書各二十員。繕寫一時榮之。祭酒姪恒齋藏與余雅契。令其子啓泰從學。以揆一十冊為贄。恒齋工詩文。書學閣帖。嘗書壽萱兩大字為先慈壽。余賦詩謝之。具第二首云。擘窠兩字重琳琅。新製驚綏巨幃裝。朱。夢。絳。跌。榮。十。草。銀。鈎。鐵。畫。照。高。堂。導。興。子。舍。歡。何。極。舞。綵。官。衙。樂。未。央。行。見。起。居。公。八。座。共。期。百。歲。進。瑤。觴。太夫人壽間八表迎養晉中故云。恒齋初宰嘉善。以廉能著。戊子擢東海防同知。

乾隆乙亥丙子間。先兄手輯舊五代史鈔上冊卷一。梁卷二卷三。唐下冊卷四。晉卷五。漢卷六。周丁丑之秋。下冊燬。

於火殘闕不全。乙酉計偕北上。携余同行。遇邵二雲。晉涵於山左旅店。道及此。書時並未知永樂大典中所有也。又及余爾雅補注四卷。因西莊言增訂廣疏三十卷。二雲云。用力於兩書。實自先兄發之。今二雲爾雅正義早已刊行。舊五代史復為經。

進之書。列於二十四史。而先兄所輯世無知者。展閱再三。不禁老淚漬紙也。吳槎客薦題詩四首。錄其二云。辛苦遺珠滄海探。劫灰底事到枯蟬。而今恰似歐陽稿。好配廷珪墨半函。溝里沙陀戰血腥。水天閑話散如星。阿誰為報青門客。補史元來別有亭。自注。姚江邵與桐太史。從永樂大

卷之二

十二

典補輯舊五代史。比較此書。頗多桂漏。

耄餘詩話卷之三

嘉慶癸亥中丞儀徵阮公入

觀余送行詩四首云名宦芳徽溯百年高安端公文武進

毅遠隨肩公來與昔稱三傑唐後從今得六賢謂郭侯吉山火成

白叟黃童歡匝地綠幢紅旆喜朝

天遙歸快慰蒼生望卿月起瞻雨度圓用蘄綽綽吉金辭

願祝期願進壽庖家慶偶教違子舍

國恩行見拜丹墀彤盧弓矢添年算衣衾介福禧

三接殊恩傳海寓使將韓弁補望詩東西兩浙盡謳吟比

屋安瀾到海濤迷職定為天下最銜恩尤覺此邦深太平

卷之三

一

卷之三

二

促上千花豔都尉城邊萬柳陰醫序更欣霑教澤傾陽齊
抱鳳葵心禹台地望仰變龍儒相金旆指顏脣他日勲名
文潞國此時銜鄭司農群山都向青嵩附百谷成趨碧
海宗相約九秋迎節鉞西湖開過錦芙蓉公稱此詩冲和
諧雅婉美唐賢余深媿斯言也公序余十三經音畧及小
學餘論二書賦詩志謝載集中茲不錄
中丞雲臺先生胸羅四庫筆掃千軍萃夾漈深寧貴與之
長擅昌黎眉山劍南之勝合漢唐宋而為一蘧藻洪才貫
天地人以兼三通儒碩學宜其遭逢
聖主登朝四載驟晉崇階稽古之榮罕有倫比迺復憐才

愛士收錄片長宏獎風流覺漫堂不足道矣竊謂公生平
大節在不奪情洵晚近之所稀李安溪尚多遺議非史冊
之易覲張始興未能固辭公政績悉數難終最大者莫如
賑濟清獻治越鄭公治青金活百萬生靈前後實堪比足
嘉慶乙丑七月丁外艱歸三載以來閉門讀禮德望彌高
兩浙十一郡士民莫不奠福星之福重掖也戊辰三月公再
撫浙江余以詩寄迎曰千秋高節孰能攀伊呂由來伯仲
問唐相曲江猶有憾獨懸忠孝照區寰敬歷卿班
天眷優旋聞受鉞按中州梁園到處稱明允騎竹爭迎郭
細侯兩浙重逢福曜臨蒼生翹企憶恩深三年久廢栽萬
句一夕先傳袞繡吟甘雨和風惠此方農歌于野士歌章
萬間廣厦无銜感寒士歡顏話試場功名群羨黑頭公勲
德彌尊望益崇行見孫盧都掃盡烽烟永息浪花中施濟
開倉慶史生趙公賑越富公清青應知三郡遺黎萬落千
村頌百齡謠思早過武林城此日軒車滿路迎山色湖光
還似舊禽魚草樹盡光榮東西連接漲沙塗無復渡潮向
北趨海若亦欽台禹重安瀾效順作前驅桑柘陰中桃李
蹊游人攜手太平堤韶光直與恩光接海上遙看紫氣齊
十載常叨特達知如霜祠祿擁率比自憐晚景悲涼甚述
德抒情賦小詩

嘉慶壬戌冬日中丞阮公親課安瀾書院酌定章程延余掌教余有紀事七律四首癸亥二月初日間課余有即事五律四首竝已刻箋一時頗多屬和戊辰余年八十小峴少冠以五古四十五韻寄祝有云安瀾開講席多士荷陶甄談經擁準比子衿來僉僉重使甲第感席上羅群珍門人陳庶常傳經和云後進競捧袂大雅憑扶輪閉門萬卷擁操筆片善甄論古夏侯湛積學鮮于阮皆指此也中丞課士不專用排律癸亥秋課題鎮海塔七律不限韻七古亦可余出金帶圍歌修川競渡曲竝七古不限韻佳詩頗多而以陳增為最甲子中丞甄別題賦得出門一笑

卷之三

三

大江橫得仙字秋課賦得秋蘭得騷字場中不得題解余擬作以示諸生九月朔課余出鹿鳴宴用東坡韻陳增疊韵四首亦佳增六歲能詩才氣縱橫足以推倒流輩丁卯正月客遊揚州以行卷就正於公公大加賞識錄其詩入瀛洲舟筆諱增字方川號月璋與傳經字學初號晴歲竝丙齋少司冠之後

嘉慶丁巳余得交秦小峴少冠十餘年來公敬應中外聚散不常而唱酬之作甚多各有集不具錄仿張為主客圖畧摘數句觀者可見一斑也終夜枯樺響蓬窓微露侵攬持巡海節不盡憫農心海昌我慙名宦湯荆峴君似高人

徐埃齋海昌行館樂應忘老至貧不為生謀著述五千卷道遙七十秋生與蘇同月庚先三日前十二月才子名超驥諸生慶集館壽松嶺梅香雪散紅樹暮雲平終擬還初服知君招隱情次松此公詩也士仰品同喬嶽峻人欽心比惠泉清送秦察論使桓寬先問筆文教陸贊亦低頭寄小峴觀察時頭白難忘知已感汗青易負等身構關心遊子辭家後時余在轉盼蟾光兩度圓送余觀宦情濔似李成筆歸思濃於張翰林杯鵬本何心迎遠渚鶴曾相識到幽扉和告此余詩也其餘五七言長篇如公題岑溪三賢祠圖及余寄賀兩首竝不載

卷之三

四

無錫王妙聞宮江南庚午同年也官達州州同依小峴先生署中以詩見投余答云有以少為貴同年胡不然姓名書淡墨折記數年案牘十五國具數殆逾千屈指會面難什伯僅三四焉迄今五十載落落晨星懸憶見秦淮海得聞琅邪賢牽絲赴巴蜀知幾早歸田西川有杜鵑東川無杜鵑不親演池弄超然地行仙頻來遊武林愛結山水緣江南自君外尚有姚姬傳吾浙自僕外尚有趙泉鹿北榜惟甌北盛名尤翩翩遭逢致不一老壽夭均憐吟詩羨健筆想見篋中稿承題先譜誼愈珍重辭意何經綿願言泛輕櫂觀潮過海塢風流成二老重開耆英筵此詩先生極

喜之謂其音節入古

嘉慶戊午余掌教海鹽名其詩為觀鄉草自撰小序云越絕書云海鹽縣始為武原鄉又云觀鄉北有武原今海鹽觀此則觀鄉武原皆即海鹽也今人但知有武原而不復知有觀鄉矣茲以觀鄉名其詩俾世人知海鹽之為觀鄉者自余始小峴先生題詩云浙西老宿傳經史七十年來

醫乍蒼海上率比看獨擁觀鄉即是武原鄉

素子才詩話云張翰詩黃花如散金菜花也通首皆言春

景宋真宗出此題舉子誤以為菊乃被放黜子才此說大謬也案吳虎臣能改齊漫錄云泰州自國初時解額以十

卷之三

五

後作麟族

三人為率仁宗時查拱之郎中知邵日因秋試進士以黃花如散金為詩題蓋取文選詩青條若總翠黃花如散金也舉子多以秋景賦之惟六人不失詩意由是只解六人後遂為額子才既不知太白所云張翰黃華句風流五百年而於此事又作模糊影響之譚最為可笑且黃華不必定指菜花不過春花之黃者如唐棣之類而菜花亦在其中也紀曉嵐我法集亦云南宋試士誤與子才同癸亥三月朔課以此命題因詳示諸生

吳稷堂先生於乾隆丁未戊申間曾介內弟許西鶴奎寄贈十國宮詞並索拙刻余以初刻六種皆少作悉行改訂

復之近見先生所輯藝海珠塵採余中文孝經孝經外傳入甲集則六種之一也丁集復採海潮說三篇心甚感之嘉慶丁卯三月先生來寧過訪以河源紀畧承簡稿續通志謚畧急就篇姓氏補注諸書見授余舟次報謝呈音學三書一部旋即解維為之招張先生丙寅五月七日詩辰庚午病卒年七十有四二十餘年文字之交而長別於光華亭橋之一面俯仰身世曷禁慨嘆

乾隆庚午冬識常塗曹麟書洛程於都門君年八十有三雍正己酉孝廉官國子助教余年二十有二以己酉生結忘年之交訂金蘭之譜君自言五十歲時臥床不起者六

卷之三

五

七載妻子俱逝孑然一身後病稍愈棄家遊黃山遇異人飲以百花酒頓覺精神煥發強壯如少年歸而應試登科續娶連舉五丈夫子皆六十歲以後事君雙眸炯炯鬚髮純黑健啍過人日可行五六十里人皆謂所遇之真仙也迨甲戌余再入都則君以年逾八十蒙

恩特授司業既而余南還君改翰林選學士戊寅冬乞休壬午三月余獻賦武林遇君孤山之麓策馬疾馳見余急躍下馬趨投輕便相與班荆道故知其接

駕來杭匆匆別去此後不復見矣君善畫山水學王蘆臺司農余歲有小冊十二幅題詩亦佳茲錄六首云柳外山